

**GENWAABIISING ZHIBIIGEWIN WII MIZINIGANING MIINWAA DEBWETAADWIN  
NTAM EZHGAABWIDJIG BINOJIIINH MIINWAA NGODWE'AANGIZWIN ZHI NOKIIWIN MIINWAA  
JORDAN'S PRINCIPLE**

**WAAWIINDMAAGEWIN**

Kitchi Gimaa'naang Dbaak'ni'ge'win gii debwitaan maanda.

Gonda Etkwazhwejjig miinwaa Kina Daa gii debwetaa'naawah kitchi niibna zhoonyaa (Nishtana shi nswi shi mdaaswaaching, shi nsamdana shi niwin mdaaswaaching shi mdaaswaaching shi mdaaswaaching, shi mdaaswaaching 23.34 billion) maanda mzoowe tkwazhwewin kina gii dgojiin gaaz'waad Anishinaabe binoojiinhyig miinwaa (**Ezhi ngo'dwe'aangiz'waad**). Giishpin zhinda zhibii'gaazyin, gdaa boozbii'ge gegii maanpii gegoo wii debnaman.

Maanda zhibiige'win wiind'maagem'gad maanda dibaaw'kinigewin miinwaa edebwe'chigaadeg. Yaabi dash wiigo wiya yaabi daa mkaan wiindmaagewin mnjimenjganing <https://www.fnchildcompensation.ca>. Yaabi gegwa daa boozbiige wii kendming owe shka'yin gegoo kendmaa'gewin zhinda mnjimenjganing aankesing.

Giishpin zhinda wii yaa'yin maanpii tkwazhwewining miinwaa wii zhigaabwi'yin wii debnaman dba'maadwin, gaa go gegoo memkaach gdaa zhichgesii.

Maanda zhibiigewin gda wiindmaagwan giishpin wii zaag ji bewdizyin maanpii. **Gdaa moon dash gda noozwin giishpin nendman, gaawii dash gegoo ka debnaziin. Giishpin moo'win gda noozwin, nendman gegoo wii yaazwan diba'maadwin, gaawii gegoo ka debnaz'iin.**

Giishpin nendman yaabi ooshmi wii kendman, temgad go genji naadmaagoo'yin. Gdaa zhitoon wii tkeshkwad wiya waa aankinoot'ang ensastazwan.

**MAAMWI TKOZHIEWIN**

**WENESH MAANDA MAAMWI TKOZHIEWIN?**

Maanda Maamwi Tkozhwe'win aawan ginimaah go daa bezhigo maage go daa zhiinwag go wii aasgaabwitaadwaad nji gegoo naasaab waa maanend'moowaat. Gaa dash memkaach wiya ezhi bezhigwad daa nchike'gaabwisii wii maanenj'iget, da mizoo'gaabwiwag wii tkozhwe'at. Mii maanda enji zhinkaadeg Maamwi Tkozhwe'win.

**Aaniish maanda Maamwi Tkozhwewin nji?**

Maanda Maamwi Tkozhwe'win aawan nzaam maaba Kitchi Gimaanaang gii mji doodaaget. Gaawii weweni gii naadmoowaasiin Anishinaabe Binoojiinhyin miinwaa ezhi Ngodwe'aangiznit jiwii miinaa'pa gonaa naadmaagewin, mino bimaadziwin, miinwaa ezhi mi'neznit.

Maanda Maamwi Tkozhwe'win kidoomgad giimaajtaamgag Nngoding mdaaswaag shi zhaangswaag shi zhaangsmidna shi bezhig biboongad piinish go Niizhing mdaaswaag shi niizhtana shi niizh biboongag.

Kina Daa gii mji doodwaan Anishinaabe binoojiinhyin shkonganing eyaanjin miinwaa go oodi Kitchi Giiwedionong nike'yaa wgii daapnaad zhiwe endaa'nid gii saat dash pkaan goji miinwaa go niwe ezhi ngod'we'aa'n'giznid.

Maanda Maamwi Tkozhwe'win kidoomgad gii zhiwebag gii maajtaamgag **Ngoding mndaaswaag shi zhaangswaag shi zhaangsmidna shi bezhig biboongad piinsh Niizhing Midaaswaag shi Niizhtana shi Niizhwaasswi biboongag**, Kina Daa gaawii gii miigwesii (Maa'ge gii bej taa wii miigwet) jiwii naadmoondwaa Anishinaabe binoojiinhyig zhiwegweg go menezwaat ge naadmaag'waapa. Maanda tanoo'oh paamenjgaaz'sigwah Anishinaabe binoojiinhyig miinwaa ezhi nawendaaswaat gii zhi mookiimgad nango ezhnikaadeg, Jordan's Principle.

Gonda Tkozhwewin Giigidoo Niniwag maage Kwewag wgii kitchi giigidoowag wii dibaataamwaad minig zhoonyaa ginamaa ge ginooowaabdamwaapa. Kina Daa dash gii debwetam wii dbaget (Niishtana shi nswi shi mdaaswaaching, shi nsamdana shi niwii mdaaswaaching shi mdaaswaaching shi mdaaswaaching, shi mdaaswaaching= 23.34 billion) wii dbamoowaat gonda binoojiinhyig miinwaa ezhi nawendaaswaat nzaam giim ji doodwindwaa. Maanda giimi giizhaaw kinigewaata mii wii dibamwindwaa gaa zhi mji doodwindwaa gaadash wiigo wiikaa daa gaa'si'bi'gaa'de'sinoo'ni gaazhi wiis'gi'nez'waat miinwaa gaa zhi wiis'gi'too'waat.

#### **WENESH EDGO'BIIGAAZAT ZHINDA MAAMWI TKOZHWE'WIN?**

(Nswi) tenoon EZHGAABWIIMGADKIN wii miik'se'waat gonda bemaadzidjig.

**Ntam Ezhgaabwiimgag (A):** Anishinaabe binoojiinhyag di baam'mi'gaazwag Nimebine Giizis, Ntam Giizhigag, Ngoding Mndaaswaag shi zhaangswaag shi zhaangsmidna shi bezhig piinsh Ziizbaawkdake Giizis, Niizhing Mdaaswaag shi Nsamdan shi bezhig giizhgag epichi biizhiin'waad gaa daap'ni'gaazjig endaawaad gaa'mig'waa'jin dash ninda **Kitchi Gimaa Binoojiinhyan Enkiitwaajig (ISC)**.

**(B)** Goji dash bkaan gii si'gaaz'wag gonda binoojiinhyig kitchi waasa geg'wa. Bezhig dash wiigo niwe oos'waan, gashwan, ookmiswaan maage mishoomsiwaan gii daawan dash wiigo shkwanganing enj'baa'at owe pii, maage ode Kitchi Giiwedionong nike'yaa (gaa dash wiigo Northwest Territories maanda pii) Na'eh dash geyaabi, maanda Kitchi Gimaa'naang, Anishinaaben Emaawkinaajin gii dba'aan maanda. Miinwaa dash, Anishinaabe Binoojiinhyag, maanda pii, epichi biizhiin'waad, gii daap'ni'gaaz'wag zhiwe en'daa'aad, gii sin'dwaa aazhoowing shkwanganing miinwaa gaawii wiya e'ken'maas'igwaa maage wiya enwe'maaswaat, gii'yaah dash wiigo bezhig oos'waan, gashwaan, mishoomsan maage ook'miswaan shkwanganing maa'ge go oodi kitchi Giiwedionong. (Gaa dash wiigo wi yaa eyaad Northwest Territories pii gii daap'nind'waa) miinwaa zhiwe gii yaat maaba Kitchi Gimaa Binoojiinhyan Emaawkinaajin.

**Eko Niizhing Ezhgaabwiimgag:** Anishinaabe Binoojiinhyag (yaa'at shkwanganing maage oodi aazhoo'wing) gaa zhi'se'nig ooshmi gegoo mi'nez'waad gaa'wii dash wiiba maa'ge we'wiip gii miikaa'gaas'siwwag wii debnamwaad men'ezwaad maanda pii, Nimebine Giizis, Ntam giizhgag, Ngoding Mndaaswaag, shi Zhaangswaag shi Zhaangsmidna shi bezhig biboongag piinsh Mshkoodin Giizis, Niizh Giizhgad, Niizhing Mndaaswaag shi Mndaaswi shi Niizhwaasswi Biboongag

**Eko Nsing Ezhgaabwiimgag:** Ooswaan, Gashwaan, Mishoomiswaan, Okkmiswaan gonda zhinda e miiwksedjig Ntam maage Eko Niizhing ezhgaabwiimgag ge'ye maanpii.

**NTAM EZHGAABWIIMGAG: GAA MIGAAZJIG BINOOJIIHYIG MIINWAA KITH BINOOJIIH TKOZHWEWIN**

Maanpii debwetaadwin Anishinaabe Binoojiinhyig gaa daajig shkonganing maage oodi Kitchi Giiednong (Yukon) pii edaap'nind waa, maage gaa ya'waadjig bezhig gegii naag'doo'wen'mig waa'pa ooswaan, gashwaan, mishoomsan maage ookmissan gaa daap ninjig endaa'aad pii Nimebine Giizis, Ntam Giizhgad, Ngoding Mndaaswaag shi Zhaanswaag shi Zhaangsmidna shi bezhig biboongad piinish Ziizbaawkdake Giizis, Nsamdana shi bezhig giizhgad, Niizhing Mdaaswaag shi Niishtana shi niizh giizhgag daa deb'naa'naa'waa wii dbam'wind'waa.

Gdaa debnaan dibam'aadwin zhiwe Binoojiinh Gii Daapnindwaa giishpin:

- Anishinaabe aaw'yin;
- Giishpin gii yaayin shkonganing we pii, maa'ge Yukon gii yaa'yin we pii gii daapnigooyin (gaa dash wiigo Northwest Territories we pii gii daapnigoo'yin, maa'ge gii ya'wad waa gi'na'wen'mig, g'da oosim, gashi, gookmiss maage gmishoomis gaa daajig shkonganing, maage Yukon we pii (gaa dash wii'go Northwest Territories mamdaa)
- Gii si'goo goji pkaan wii naag'da'wen'mi'goo'yin Nimebine Giizis, Ntam giizhgag, Ngoding mdaas'waag shi zhaanswaag shi zhaangsmidna shi bezhig piinish Ziizbaakdoke Giizis, Nsamdana shi bezhig giizhgad, Niizhing mdaaswaag shi Niishtana shi nswi giizhgad.
- (ISC) Kitchi Gimaanaang Anishinaabe Emaawkinaajin gii diba'ge'wag wii gi'na'wen'mi'goo'yin.

Gdaa zhiibaa'bis go gegoo wii debinaman giishpin:

- Giishpin Anishinaabe aaw'yin;
- Giishpin gii daa'yin shkonganing we pii gii daap'ni'goo'yin maage oodi Yukon maage bezhig gii ya'wad waa gina'wen'mig shkonganing maage wodi Yukon we pii (Gaa dash wiigo Northwest Territories we pii gii daap'ni'goo'yin)
- Gii daap'ni'goo wii gina'we'mi'goo yin Nimebine Giizis, Ntam giizhgag, Ngoding mdaas'waag shi zhaanswaag shi zhaangsmidna shi bezhig piinish Ziizbaakdoke Giizis, Nsamdana shi bezhig giizhgad, Niizhing mdaaswaag shi Niishtana shi niizh giizhgad.
- Gii si'goo goji pkaan aazhoo'ying maage kitchi oo'den'aang wii wii'gen'dwad wiya go en'we'maa'sod, gaa dash wiigo Kitchi Gimaa Anishinaaben Emaawkinaajin (ISC) gii diba'ges'sii'wag, naa dash gii mii'kaan gda di'bend'aag'ziwin Kitchi gimaan enkiitwaajig. (KITH Child Class)

<b>E Diba'gaa 'deg</b>	<b>E Diba'gaa'de sinook</b>
Anishinaabe Binoojiinhyag	Gaawii Anishinaabe Binoojiinhyag

<p><b>Binoojiinhyag endaa’jig shkonganing maage wodi Yukon, maa’ge gaa ya’waadjig bezhig waa naag’den’mig’waad shkon’ganing maage wodi Yukon pii gaa daap’nind’waa</b></p>	<p>Binoojiinhyig gaa daa’jig aazhoo’ying maage kitchi oo’den’naang maa’ge Northwest Territories pii gaa daap’nind’waa</p>
<p><b>Binoojiinhyig gaa daa’pi’ni’gaaz’jig Nimebine Giizis, Ntam giizhgag, Ngoding mdaas’waag shi zhaanswaag shi zhaangsmidna shi bezhig piinish Ziizbaakdoke Giizis, Nsamdana shi bezhig giizhgad, Niizhing mdaaswaag shi Niishtana shi niizh giizhgad miinwaa Kitchi Gimaa Anishinaabe Emaawkinaajin gaa diba’gedjik zhinda go tinoo’wan:</b></p> <ul style="list-style-type: none"> <li>• Wenbig wiigwaam</li> <li>• E dibizhgaadegin wiigwaaman</li> <li>• Gaawii nwe’maasii wiigwaaman</li> <li>• E dibagaadegin Nawendwin wiigwaaman</li> <li>• Maamwi endaang wiigwaaman</li> <li>• End’ni’zing kitchi wiigwaaman</li> </ul> <ul style="list-style-type: none"> <li>• Yaabi go aanin</li> </ul>	<p>Binoojiinhyag gaa daapninjig gaa shkwaa’senig dash gi’no’wen’min’dwaa jii bwaa Nimebine Giizis, Ntam giizhgag, Ngoding mdaas’waag shi zhaanswaag shi zhaangsmidna shi bezhig maage gaa sind’waa zhiwe</p> <ul style="list-style-type: none"> <li>• Gaawii e diba’gaa’des’nok wiigwaaming maa’ge wii gendaageyaat enwemaa’ajin</li> <li>• E diba’gaa’des’nok oodena wiigwaaman</li> </ul>
<p><b>E diba’gaa’deg Kitchi Gimaa Anishinaabe Emaawkinaajin ISC</b></p>	<p><b>E diba’gaa’deg province</b></p>
<p><b>MAAGE</b></p>	
<p><b>Anishinaabe Binoojiinhyag endaa’jig shkonganing maage Yukon pii gii daap’ni’gaaz’waat maa’ge gii yaat bezhig gegii naag’da’wen’maag’waajin maa’ge wodi Yukon gii yaa’aad (gaa dash wiigo maamdaa Northwest Territories pii gii daapnind waa) miinwaa dash pii Nimebine Giizis, Ntam giizhgag, Ngoding mdaas’waag shi zhaanswaag shi zhaangsmidna shi bezhig biboongad piinish Ziizbaakdoke Giizis, Nsamdana shi bezhig giizhgad, Niizhing mdaaswaag shi Niishtana shi niizh giizhgad, gii sind’waa wii gino’wen’mind’waa aazhoo’wing shkon’gaing maa’ge kitchi oo’den’aang wiya ene’maas’gwaa; miinwaa zhiwe gegoo gii dib’gaad’es’nook Kitchi Gimaanaang Anishinaabe Emaawkinaajin miinwaa Kitchi Gimaa Enkiitwaajig Binoojiinh nji.</b></p>	

Binoojiinhyig gaa daap'nindwaa wii gina'wenj'gaazwaat jii bwaa Nimebine Giizis, Ntam giizhgag, Ngoding mdaas'waag shi zhaanswaag shi zhaangsmidna shi bezhig biboongad bkaan zhi'gaab'wi'wag. "Sixties Scoop" ge'wii zhinkaade maanda dibaawkinigewin, bkaanat go gewii.

**WENESH EDMING "NTAM GAA YAAJIG" MAANPII MAAMWI TKOZHWEWIN GONDA GAA DAAP'NIN'JIG BINOOJIIHYAG MIINWAA KITH CHILD CLASS?**

Maanpii Debwitaadwining, "Ntam Gaa Yaajig" damim gii'we Anishinaabeg:

- (i) E digobiigaazjig zhiwe Anishinaabe Maawkinidwin mazinigan;
- (ii) Waa digobiigaazjig zhiwe Indian Act piinish Makwa Giizis, Mdaaswi shi bezhig giizhgad, Niizhing mdaaswaag shi niishtana shi niizh giizhgad (gii digwa biigaazwag zhiwe enjbaa'aad Mziniganing Maamwi biigaazwaad kina debendaawg'zidjig).

**NDA NTAM GAABOO GAA DASH GII O'DAA SII SHKONGANING PII GII DAAPNIGOOWAANH ENDA'AANH. NDA DEBNAAN NA GO WAA MIINDING?**

Giishpin kiin maage go bezhig gaa ginowenmigyin gii daa'at shkonganing maage wodi Yukon pii gii daapnigooyin, ginimaa go gdaa debnaan gegoo. Giishpin dash gaawii kiin maage owa enaagdenmigyin gii daas'ig shkonganing maage wodi Yukon pii gii migooyin gaawii gegoo mamdaa ji debnamba.

**Daapnan manda kwej'maawin giishpin yaabi wii nda'kendman:**

1. Gda aaw na Entam Gaabwit?

Enh       Kaa/Gaawiin

2. Kii daa na shkon'ganing maage gonaa wiya bezhig genwenmig odaa zhiwe shkonganing maage wodi Yukon pii gaa migooyin endaa'yin?

(Giishpin gii daayin Northwest Territories, zhibiiyan kaa/gaawiin)

Enh  Kaa/Gaawiin

Kii sigoo na wii ginowenmigooyin pii daa'pi'ni'gaaz'jig Nimebine Giizis, Ntam giizhgag, Ngoding mdaas'waag shi zhaanswaag shi zhaangsmidna shi bezhig piinish Ziizbaakdoke Giizis, Nsamdana shi bezhig giizhgad, Niizhing mdaaswaag shi Niishtana shi niizh giizhgad, maage kii ginowenmigoonaadig zhaazhi pii Nimebine Giizis, Ntam giizhgag, Ngoding mdaas'waag shi zhaanswaag shi zhaangsmidna shi bezhig biboongag?

Enh  Kaa/Gaawiin

Giishpin "Enh" gii zhi tkwetman kina nindan nsing, gnimaa go gdaa debnaan gego

### **EKO NIIZHING EZHGABWIIMGAG: JORDAN'S PRINCIPLE/NMEGOS/AABDIG WAA ZHI NAADMOOWIND WIYA**

Zhinda maanda debwetaadwin, Anishinaabe Binoojiinhyag gegoo e'de zhi naadmowaaswindwaa maage gaawii gegoo tesnoo waa zhi naadmowindwaa maage gaa aawgine'taagaaz'gwenhnag maage nzaam gbeying naash gegoo wii debnamwaat menwezwaat pii Ngoding mdaaswaag shi zhaangswaag shi zhaangsmidna shi bezhig biboongad piinish Niizhing mdaaswaag shi midaaswe shi niizhwaaswi biboongad daa debnaa'naawaa wii dibamoondwaa. Mii gonda zhinda ezhi kenminjig "Jordan's Principle" ezhgaabwidjig, maaba Jordan River Anderson nji. Gaawii gii nsid'waab'ji'gades'noo baamaapii Niizhing mdaaswaag shi mdaaswi shi niizhwaaswi bibongag, maanda eko niizhing ezhgaabwiimgag ko zhiwegaabwiimgad piinish Nimebine Giizis, Ntam giizhgag, Ngoding mdaas'waag shi zhaanswaag shi zhaangsmidna shi bezhig bibongad, **Nmegos** dash zhi kendaag'ot. Maanda debwetaadwin gaye dgwas zin'ni owe aabdeg go menezwaat ji yaamwaad, miinwaa Anishinaabe binoojiinhyag gaawii gaa tesning maage gaa aawg'net'wind'waa maage gaa beskaamgadnig gegoo wii debnamwaad, pii Manidoo Giisoonhs giizis, Mdaaswi shi niizh giizhgad, Niizhing mdaaswaag shi mdaaswi shi niizhwaaswe giizhgad, gaa dash wii'go, gii zhaab shka zii'naa'waa owe Jordan's Principle maage Nmegos (Trout) class.

### **WENESH MAANDA "JORDAN'S PRINCIPLE"?**

"Jordan's Principle" zhinkaade maanda gaa zhi dbaawkinigaadeg maanda Kitchi gimaanaang wii zhi miik'waa'at Anishinaabe binoojiinhyin dibishkoo go gaye kina binoojiinhyig kina goji wii bwaa zaag'tam'waat naad'madwin menez'waad. Kitchi gimaanaang aabdig ntam wii saad ninda Anishinaabe binoojiinhyin piidash gegoo zhoonyaa enji maanaadseg maage dibiidig go ji eyaangwenh.

Mii maanda "Jordan's Principle" enji zhinkaadeg mkwenmin maaba Jordan River Anderson, owa gaa debnazik menezit nzaam gonda Kitchi Gimaan enkiitwaajik gii maanaadsewak wenesh waa diba'mo gwenh maaba Jordan gaa minezit. Maanda Jordan's Principle enji tek, wii bwaa zhiwebzit geyaabi Anishinaabe binoojiinh maanda.

Gdaa debnaan wii diba maa gooyin giishpin:

- Entam gaabwit aawyin (gii daayin shkonganing maage go aazhooying kitchi oodenaang); miinwaa
- Gegoo aabdig gii zhi minezyin pii Nimebine Giizis, ntam giizhgad, Ngoding mdaaswaag shi zhaangswaag shi zhaangsmidna shi bezhig biboongad piinish Bshkoodin Giizis, Niizh giizhgag, Niizhing mdaaswaag shi mdaaswi shi niizhwaaswi giizhgad; miinwaa
- Kii kwedwen wii debnaman ezhi minezyin gaa dash gegoo gii debinaziin, gii aawginetaagoo, maage gaa gegoo gii tesnoo waa zhi naadmaagooyin. Naye nzaam:
  1. Gaa gegoo zhoonyaa
  2. Gaawii gegoo wanji naad'maa'goong
  3. Miigaa de sewag Kitchi Gimaanaang miinwaa maanda Kina Daa ezhi dbakii wang ensaa be bezhig akiing
  4. Yaabi go aanind gegoo.

**WENESH EDMING “ENTAMGAABWIDJIG” MAANDA DEBWETAADWIN NJI MAANDA JORDAN’S PRINCIPLE/NMEGOS AABDIG WAA DEBNAMING TINOOWAN NAADMAADWIN?**

- (i) Aabdig wii zhibiigaazam zhiwe Anishinaabe maawknigaade mizininian (Indian Act), miinwaa
- (ii) Aabdig nendaagod wii zhibii gaazang zhiwe Anishinaabe maawkinigaade (Indian Act) pii Makwa Giizis, Mdaaswi shi bezhig giizhgad, Niizhing mdaaswaag shi niizhwaag shi niizhtana shi niizh biboongad.
- (iii) Miinwaa yaabi, nji maanda Jordan’s Principle class gweta, ensa bebezhig:
  - Gaa tkweshkgig dibendaagziwaad zhiwe aajchkingaanhsing, midaaswi – midaaswi shi niizh zhiwe Anishinaabe Maawkinigewin Mziniganing gaa gdaktoojig naash gegoo zhi naad'maa'gaa'sii'wag, gaawii gegoo zhi naadmaagaazsiwag pii Manidoo Giizis, Niizhtana shi ngodwaaswe giizhgad, Niizhing Mndaaswaag shi mdaaswi shi ngodwaaswe biboongad, miinwaa piinish Bshkoodin Giizis, Niizhgiizhgag, Niizhing mdaaswaag shi mdaaswi shi niizhwaaswi giizhgad; maage
  - Nsid'waab'ji'gaaz'waad maage aawad zhiwe njibaa'aad Anishinaabe oodenaang pii Makwa Giizis, Midaaswi shi bezhig giizhgad, Niizhing mdaaswaag shi Niizhwaag shi niizhtana shi niizh biboongad, maage gii zhibiigaazwaat gaynwaa endnakiiyaat dibendaawgziwaat ginige go pii maanda Manidoo Giizis, Niizhtana shi ngodwaaswi giizhgad Niizhing mdaaswaag shi mdaaswaag shi ngodwaaswi biboongad piidash Bshkoodin Giizis, Niizh giizhgad, Niizhing mdaaswaag shi mdaaswi shi niizhwaaswi biboongag.

**EKO NSING: NGODWE'AAN'GIZ'WIN**

Giiwe binoojiinhyin genwenmaajig gaa'daap'nin'jig zhiwe endaa'aad maage gegoo gaa zhi naadmoo gaazsiwaad daa debnaanaawaa goo gaye wii dabamwindwaa. Wenbig dash binoojiinhyin genwenmaajig gaawii mamdaa wii boozbiigewaad.

<b>DEBAGAADEG</b>	<b>DEBAGAADESNOOK</b>
<b>Gitziimwaan weweni</b>	Wenbig genwenjigejig

<b>Eminaawsajig</b>	
<b>Ninoshenyag</b>	
<b>Genawendaasjig mishoomis miinwaa ookmis weweni</b>	
<b>Genawendaasjig aanke mishoomis miinwaa aanke ookmis</b>	

Mii gweta giuwe ooswaan, gashwaan, maage mishoomsiwaan, ookmiswaan giuwe jida gonaa gaa bi ginowenmaajik niwe binoojiinhyin pii gii daapnigaaaznit, maage pii gegoo gbeying gii baabiitoowaad, gegoo gii miingaazsigwaa maage gegoo gii minezwaat owa binoojiinh ezhi minezit gegoo da debnaanaawaa (giishpin zhaapshkamwaat) ginimaa go giuwe jida go genwendaawsajig ginigenh go niizh biboon niizh giuwe daa debnaanaawa ensa bezhig binoojiinh genwendaawgizit.

Giiwe aanind wiikaanenhwan maage misenhwaan eyaadjig zhiwe enji ngodweaangizwaad gaawiii mamdaa ji debnamwaad dibamaadwin.

#### **MAANDA DEBWETAADWIN:**

Kina ginoowaabdaming

Maanda gaa debwechigaadeg wii miinding, Kina Daa wii dibage **Niishtana shi nswi shi mdaaswaaching, shi nsamdana shi niiwin mdaaswaaching shi mdaaswaaching shi mdaaswaaching, shi mdaaswaaching 23.34 billion** niwe edibendaawgizijig zhiwe maamwi tkwazhwewning.

Maanda gaa debwechigaadeg wii minding zhinda maamwi tkwazhweng yaabi wii zhaab'ide Kitchi Gimaa Dbaakinigenaang. Giishpin zhaabideg kina go zhinda maamwi tkozhwewning daa debnaanaawaa Ngoding, Eko Niizhing maage eko nsing ezhgaabwidjig wii dibamowindwaa.

Maanda gaa debwechigaadeg gegaa go dgosin gaa zhi dbaawkiniget ga ye maaba Kina Daa Bemaadinjin E'aasgaabwitaaget Dibaawkinigewin. (Dibaawkinigewin) Maanda tinoo Dibaawkinidwin aasgaabwitaan maanda Debwewin. Giishpin dash maaba Kitchi Gimaa dbaaknigenaang debwetang maanda mi giizhaawkinigaadeg, maanda gaa giizhaawkinigaadeg kina da diba'aan owe kina enaabiising wii dibagaadeg miinwaa go kina gaa pideg wodi Kina Daa Bemaadinjin E'Aasgaabwitaaget Dibaawkinigewining. Ngoding gweta wiya daa boozbiige dash wiigo.

#### **AANIISH MINIG GE DEBNAMAAMBAA?**

Gaawii go naasaab kina wiya da debnaziin. Bebkaan go zhibiigaade minik ge debnangba wiya. Ensa zhibiigaadeg go Ntam, Eko Niizhing, maage Eko Nsing temgad ginimaa minig ge debnigaadegba. Aanind gegwa ooshmi daa debnaanaa'wa giishpin ooshmi bezhig miiwkse'aat gaa zhi zinagziwaad pii gii daapnindwaa zhiwe endaa'aad.

## **NGODING-NTAM EZHGAABWIIMGAG: BINOJIIINHYAG GAA MINDWAA MIINWAA KITH (NIKEYAA)**

### ***Dibamaadwin (Binoojiinhyag Gaa Daapnindwaa Ezhgaabwiyaat)***

Zhinda Debwetaadwin, gonda gaa migaazjig endaa'ad gii binoojiinhi'aat, gaa sindwaa dash zhiwe wii ginoowenmindwaa goji gaa diba'ang Kitchi Gimaa Anishinaabe Enaawkininindwaa pii Nimebine Giizis, Ntam giizhgag, Ngoding mdaas'waag shi zhaanswaag shi zhaangsmidna shi bezhig biboongad piinish Ziizbaakdoke Giizis, Nsamdana shi bezhig giizhgag, Niizhing mdaaswaag shi Niishtana shi niizh giizhgag daa debinaanaawaa emanji dkobiigaadeg go minig Niimdana shi mdaaswi nching.

### ***OOSHMI DIBAMAADWIN:***

Aanind go zhigaabwiwag ji debnamwaapa ooshmi. Maanda dash ooshmi zhinaagwag ji debnigaadegba:

- Pii gaa piidsit owe pii gii maajii naagdowenmin bkaan goji;
- Minig nsa biboon gaa ginoowenmin;
- Giishpin gii min zhiwe endaad maaba bemaadzit nzaam gegoo minezit wii mino bimaadzit gaadash gii debnaziin owe;
- Giishpin kitchi giowedinong maage bgodaakwaa gii daad;
- Minig ching gaa mi aandoodewgizid maanda mi ginowenmin bkaan;
- Minig ching waadaat gii chigaazat.

Mii maanda waa zhi kinwaachgaadeg gaa zhi zinagtood maaba binoojiinh gaami zhiwebzid.

Giishpin temgag miinwaa minig etegwe dibamaadwin daa ndakenjgaade minig eyaad waa dibamoonjig. Minig ge debnamwaad gaawii kenjgaadesnoo megwaa.

### ***Dibamaadwin maanda (KITH Binojii CLASS)***

Maanpii maanda Debwetaadwin, Anishinaabe binoojiinhyag, pane gonaa endaaajig shkonganing maage wodi Yukon (gaa dash wiigo wodi Northwest Territories gii daasiwag) owe pii gii migaazwaad pii Nimebine Giizis, Ntam giizhgag, Ngoding mdaas'waag shi zhaanswaag shi zhaangsmidna shi bezhig biboongad piinish Ziizbaakdoke Giizis, Nsamdana shi bezhig giizhgag, Niizhing mdaaswaag shi Niishtana shi niizh giizhgag, gii migaazwad endaa'aad, gii sindwaa wii ginawendmindwaa zhiwe wiya ekenmaasgwaa aazhooying kitchi oodenaang gaadash wiigo Kitchi Gimaanaang gii dibagesii, maaba Binoojiinhyin Enkiitwaajig Bemaawkinaajin gii miikaanaawaa mii gonda ge debnamwaapa Niimdana shi mdaaswaag nching.

Gonda eyaajig KITH class gaawii mamdaa maanda wii debnamwaad.

## ***EKO NIIZHING EZHGAABWIIMGAG: JORDAN'S PRINCIPLE/NMEGOS/AABDIG NAADMAADWIN***

Dibamaadwin:

Minig ge debnamwaad bemaadziidjig maanpii Eko Niizhing Ezhgaabwiimgag go noonch gwa da aawan nzaam gonaa gaa bi zhi zhiwebzawaad ensa bebezhig, maage gaawii gegoo gii tesnoo waa naadmaagwaat, miinwaa gaa zhi bsikaagwaat gaa zhiwebziwaad.

We go minig waa debnamwaad mii ge gweji dibishkooseg owe gaa zhiwebziwaad, minig ge eyaa'aad waa dibam'windwaa, miinwaa ji teg zhoonyaa. Minig ge miigweng gaawii megwaa kenjgaade'snoo.

<b>AANIISH MINIG GINWESH</b>	<b>WENESH TINOOW</b>	<b>DBAMAADWIN</b>
Nimebine Giizis, Ntam giizhgag, Ngoding mdaas'waag shi zhaanswaag shi zhaangsmidna shi bezhig biboongad piinish Ziizbaakdoke Giizis, Nsamdana shi bezhig giizhgad Piinish Manidoo Giisoonhs, Mdaaswi shi bezhig giizhgad, Niizhing mdaaswaag shi niizhwaaswi giizhgad	Nmegos Ezhgaabwidjig	Niishtana shi mdaaswaag
Manidoo Giisoonhs, Mdaaswi shi niishgiizhgad, Niizhing mdaaswaag shi mdaaswi shi shaangswi bibongad piinish Bshkoodin Giizis, Niizh Giizhgad, Niizhing mdaaswaag shi niizhwaaswi giizhgad	Jordan's Principle ewiidjiwedjig	Niimdana shi mndaaswaag
Manidoo Giisoonhs, Mdaaswi shi niishgiizhgad, Niizhing mdaaswaag shi mdaaswi shi niizhwaaswi bibongad piinish Bshkoodin Giizis, Niizh Giizhgad, Niizhing mdaaswaag shi niizhwaaswi giizhgad	Aabdig Menezing ezhibiigaadeg	Piinish Niimdana shi mdaaswaag

**Ooshmi Wii Dibamaading:**

Bemaadziidjig daa debnaanaawaa ooshmi dibamaadwin giishpin go nzaam gii nigaazwaad miinwaa gii gdaktoowaad gaawii gii naadmaa'gaasiwag. Giishpin ooshmi gegoo wii debnamwaad mii gwa ji dbish'koosen'nig gaa zhiwebziwaad, minig waa dibamoonjig eyaa'aad, miinwaa giishpin gegoo zhoonyaa eteg'wenh. Minig ge minding zhinda gaawii mshi kenjgaadesnoo.

**EKO NSING: EZHI NGOD WE'AANGIZING**

Gonda maaba binoojiinh gitziiman maage maaba binoojinh ookmisan maage mishoomisan go gewii gaynwaa daa debnaanaawaa dibamaadwin. Minig dibamaadwin gaawii wekwendaawksinoo mii dash wiigo gegnawaabjigaadek minig etegin e zhaabbidegin wii dibamawindwaa. Gaawii kenjgaadesnoo minig zhinda waa minding.

<b>Ntam Ezhgaabwiimgag: Genwenmaajig gaa daapnigaazjig binoojiinhyig miinawaa Kith</b>	<b>\$ Niimdana shi mdaaswaag ensa binoojiinh piidash go \$ Nshwaasmidna shi mdaaswaag giishpin go zhi miwkseng.</b>
<b>Oko Niizhing Ezhgaabwiimgag: Genwenmaajig ninda Jordan's Principle miinwaa Nmegos Ewiiijyedjig maanenjgewining</b>	<b>Piidash Niimdana shi nshwaaswaag ensa binoojiinh. Minig go waa minding mshi kenjgaadesnoo. Minig go emiinding da ginoowaabjigaade gaa zhiwebziwaad miinwaa minig etemgak zhoonyaa.</b>

Giiwe aanind debendaawgzidjig gonda binoojiinhyig ezhi ngodweaangizwaad gaawii mamdaa gegoo wii debnamwaad.

Giishpin wii nda kendman waa zhi debnaman zhoonyaa, gdaa nbochwe zhiinda mjamenjganing ka nbochwe; <https://www.fnchildcompensation.ca>.

### **KITCHI GIMAA NA DA DAAPNAAN BANGII NZHOONYAAM?**

Maanda zhoonyaa waa minding zhinda waa giizhaawknigaadeg gaawii mamdaa zhiwe Kitchi Gimaanang ji daapnigaadegba. Kina Daa gii debwetam wii mina nokitwaad ninda bebkaan akiing ezhgaabwidjig jiiwbwaa moo'windwaa gegoo zhoonyaa.

### **TEMGAD NA GO YAABI GE ZHI NAADMOONDWAABA BINOOJIINHYAG MIINWAA KINA EZHI NGODWEAANGIZWAAD**

Yaabi go ooshmi maanda zhoonyaa eteg maanpii gaa debwetaachgaadeg, **naanmidna shi mdaaswaag shi mdaaswaag, shi mdaaswaag nching (50 million)** giienh wii zigaknigaade wii maawnjiseg wii naadmowindwaa binoojiinhyig noonch gonaa gegoo daa nakmigziwag, Ginimaa:

- Zhoonyaa daa miindim wii yaamwaad wazhi minaahtoong Anishinaabe aadzowin, oodenang miinwaa noojmowin nakmigziwin, ge zhaawaa pa gonda binoojiinhyig miinwaa ezhi ngodweaangizwaat.
- Wii aasgaabwitwindwaa binoojiinhyig genwenminjig, maage gaa giniwenminjig, miinwaa ezhi ngodwe'aangizing miinwaa oodenaang noojmowin.
- Zhoonyaa wii miigweng wii maajtaatoong Anishinaabe aadziwin gezhaangba, ge zhichgengba miinwaa ge zhi aasgaabwitoondwaa (Eshkiniigjig, manidoo kewin, anishinaabemowin nakmigad, getchi piidzidjik miinwaa kendaaswin bemwidoojig, ekinoomaagejig, akiing nakmigak, miinwaa Anishinaabe ii nakmikzoowin, mizinbiigeng, miinwaa wii gweshkwaadziwin);
- Aasgaabwitaadwindwaa gonda binoojiinhyig binji'baa'ad zhiwe gaanjiginawenmindwaa, (dbishkoo gonaa wii mkamwaad waanji wankiyyaat wii daa'aat, maadziwning wazhi ngajtoowaat, wazhi mindizwaat, wazhi miikmowaat zhoonyaa, wii aabiji skoonwe'aat, mino maadziwin aasgaabwitaadwin, miinwaa go yaabi aanin)
- Wii zhitoong wii sanjgong zhoonyaa genji gnawenjgaadeg naa wii maamiigweng pii mi kshkewziwaat, gonda Jordan's Principle waajiyeyjig miinwaa niwe da binoojiinhmiwaan, miinwaa
- Wii zhitoong gegoo naa waa zhi naadmaagwaat wii maamwizwaat gonda binoojiinhyig gaa daapninjig maanpii Kina Daa, na'ye mzoowe naabiisjigan (National Network)

Yaabi dash ooshmi (**zhaangsmidna shi ngodwaag, shi mdaaswaag, shi mdaaswaag, shi mdaaswaag nching 90 million**) da maajtaachgaade wii miik'windwaa gonda aabdig waa kitchi miik'gaa'zjig nendwendmoowaat, gonda Jordan's Principle debendaawgizidjig wii minomenaagiziwaat miinwaa wii minogaabwiyaat naa ga'ye nwa.

## **AANIISH MAANDA PII GE ZHAAB'BIDEG MAANDA DEBWETAADWIN?**

### **KITCHI GIMAANAANG KITCHI DBAAWKINIGEGAMIG**

Kitchi Gimaanaang kitchi dbaawkinigegamig da nmadbiwag wii noondmowaat endgwenh go maanda jiwii daapnigaadegbane (**Wii Giizhaawkinigaadek debwetaadwin – Settlement Approval Hearing**)

Da ji noonjgaade kitchi oodenaang Ottawa, da maajtaawag **Binaakwe Giizis, Niizhtana shi nswi giizhgad, Niizhing mdaaswaag shi niishtana shi nswi biboongad**. Daa dibaa'te maanda da gooksigaade maanpii <https://www.fnchildcompensation.ca> miinwaa go wazhi biindigeng wii ginawaabdaming zhiwe mnjamenjganing.

Gda boozbiige wii debnaman shka'ye gegoo maanpii; <https://www.fnchildcompensation.ca>.

## **GEGOO NA GO NDA KIT MAAGE NDA AAWGINETAAN MAANDA NAAWKNEGEWIN?**

**Gaa go wegoo memkaach gdaa zhaasii maage gegoo memkaach wii kidyin wii debnaman gegoo dibamaadwin.**

Giishpin gegoo wii kidyin maage wii aawgnetman maanda dbaawkinigewin, niizhing go te ge zhichgepa wiyaa

Da zhibiige: Gda miigwen waa kidyin manpii dash gdaa niindaawen: PO Box 7030, Toronto ON M5C 2K7 or [fnchildclaims@deloitte.ca](mailto:fnchildclaims@deloitte.ca). Gaa zhibiigeyin dash da niindaawem wodi Kitchi Dbaawkidigamigong jiiwbwaa noondmowat maanda. Giishpin gegoo wii zhibiigeyin, aabdig wodi wii debnigaadeg jiiwbwaa **Binaakwe Giizis, Mdaaswi shi nswi bezhig giizhgad, Niizhtana shi mdaaswaag shi niistana shi nswi biboongag.**

Da zhaam wodi gegoo wii kidang: Gda kwedwe gegoo wii kidyin maage wii mizinaateseyin wodi Kitchi Dbaawkinigegamigong pii maanda wii noondaajigaadeg pii **Binaakwe Giizis, Niizhtana shi nswi giizhgad, Niizhing mdaaswaag shi niishtana shi nswi biboongad**. Giishpin gegoo wii kidyin maage gegoo wii zhi aawgnetman, aabdig kwii kwedwe jiiwbwaa Binaakwe Giizis, Mdaaswi shi nswi bezhig giizhgad, Niizhtana shi mdaaswaag shi niistana shi nswi biboongag.

## **WENESH WAA ZHIWEBAG SHKWAA NOONDAAJIGAADEG MAANDA TKOZHWEWIN?**

Yaabi go bezhig da zhichgaade miziniigaanhs ji wiindmaagemgag wazhi boozbiigeng gegoo wii debnaming.

Gonda Tkwozhwe enkiitmajig go kitchi wiikjitoowag maanda wii zhaabideg zhinda Kitchi dbaawkinigegamigong makwenmaa'aan gonaa niwe kina eaasgaabwitoowaajin.

Giisphin go wiijiyeyin maanpii tkozhwewning, gaawii go gegoo ka zhi paamenmigiisin megwaa gegoo edebnaman megwaa maage go gegoo waa debnaman ni miseg.

Giispin dash go yaayin maanpii Enji tkozhweng, gdaa boozbiige dash go zhinda gegoo wii debnaman gaa dash mamdaa wii tkonat miinwaa Kina Daa maage wodi Kina Daa Bemaadinjin E'aasgaabwitaaget Dibaawkinigewin. (Human Rights Tribunal) maanda go nji ezhi tkozhwe'in myaanaadeg megwaa.

Gaa go gegoo tesnoo zhinda tkwazhwewning wii nigaabnigooyin wii tkozhweyin yaabi gaa bi zhi nigaazyin maage wodi giuwe aanind Kitchi Gimaa Ni'aan'kesing aki wodi bebkaan.

Shkwaa temgag dash maanda debwetaadwin bzindaajgewin yaabi go dani tenoon wii tkweshk'daading wiid jindming Waazhi maamiigweng enaabkaadeg miinwaa waa nabiisjigeng gonda kina eboozbiigejig nji. Bkaan go da temgad waa zhi miikming ninda bebkaan ezghaabwiimgadgin, Bezhigh, ekoniizhing, maage eko nsing ezghaabwiimgadgin. Pii ninda ezghaabwiimgadgin giizhaawkinigaadeg, da temgad go wiya wii naabid wii mkang enaawkinigeng maanpii; <https://www.fnchildcompensation.ca>.

## **WAA ZHI DAAPNIDZAYIN MAANPII MAAMWI TKWAZHWEWNING**

Giishpin zhinda wii dgobkaas'siwan, gda gjigoshkwan go. Gdaa zhichge, ka giizhbiiyaan mzinigan Gjigoshkini mzinigan zhinkaade, mjimenjganing gdaa giizhbiiyaan, maage gda maajibige, ka boostoon dash: PO Box 7030, Toronto ON M5C 2K7 or email to [fnchildclaims@deloitte.ca](mailto:fnchildclaims@deloitte.ca) or fax to 416-815-2723.

**Giishpin gjigoshniyin, gaawii gegoo ka debnaziin maanpii tkozhwewning.** Jiibwaa gjigoshniyin, gdaa gnoonaa wiya maanpii genwendang maanda Tkozhwewin; Administrator of the Settlement at 1-833-852-0755 wii dibaajmayin enji gjigoshniyin. Shkwaach giizhgad wiii gjigoshkniyin aawan **Binaakwe Giizis, Ngodwaaswe giizhgad, Niizhing mdaaswag, shi niishtana shi nswi bibongag.**

## **GIISHPIN GJIGOSHKNIYAANH MAANPII DEBWETAADWINING, NDAA DEBNAAN NAGO ZHOONYAA WII NJIBDEG KINA DAA BEMAADZINJIIN BEMIIKWAAJIG DBAAWKINIGEWIN**

Gaawiin. Gonda Bemaadinjin E'aasgaabwitaaget Dibaawkinigewin zhaazhi gii giizhaawkinigewag maanda Jordan's Principle tkwozhwewin zhaazhi giishsin. Gii zhegaabwiwag dash ooshmi dinendaanaawaa owe Kitchi Gimaaanaang eshsing. Miidash, giishpin maanda Tkozhwewin zhaabideg Kitchi Gimaa Dbaakdiigamigong miigwa ji daapsidood owe Bemaadinjin Bemiikwaadjig Dbaawkinigewin ga'ye gaa naabiisjiged.

## **TKOZHWEWIN EZHGAABWIDJIG**

### **WENESH ZHINDA ENIIGAANGABWIDJIG?**

#### **E NIIGAANGAABWIDJIG**

Anishinaabewnaang Entamgaabwidjig (AFN). Gonda ensa bezhigh zhinda niigaangaabwiyok kina wiijaabwitowaad Anishinaaben kina maanpii Kina Daa:

- Xavier Moushoom
- Jeremy Meawasige
- Jonavon Joseph Meawasige
- Ashley Dawn Louise Bach

- Karen Osachoff
- Melissa Walterson
- Noah Buffalo-Jackson
- Carolyn Buffalo
- Dick Eugene Jackson
- Zacheus Joseph Trout

Mii gonda eniigaangaabwidjig. Mii gonda ezghaabwidjig wii aasgaabwitaagooyin

### **EGINOODMAAGEWJIG:**

#### **Naanan minig yaawag eginoodmaagejig maanpii Kina Daa**

- Sotos LLP
- Kugler Kandestin LLP
- Miller Titerle + Co.
- Nahwegahbow Corbiere
- Fasken Marteneau Dumoulin LLP

### **WENESH GONDA EGINOODMAAGEJIG WAA ZHI DIBAMWINDWAA?**

Gaawiiin kiin gegoo kwii dibagesii maage kwii (**dibamoowaasiig**) gonda eginoodmaagejig, wii wiiijiyeyin zhinda maamwi tkwazhwewning maage giishpin wii debnaman.

Gonda Eginoodmaagejig da nji dbamowaawag Kina Daa. Da dibamoowaawag nchike go ga'ye, gaawii go wii njibdesnoo maanpii Jordan's Principle tkozhwewining maage gonda etkozhwejjig gaawii wii dibagesiiwag. Maanda waa dibamaading go ga'ye nchikegaabwimgad.

Minig gonda eginoodmaagejig waa dibamwindwaa aabdig Dbaawkinigegamigong wiinji dbaawkinigaade miinwaa wii zhaabide. Gaawiiin gegoo dazhi paamendaawgsinoo minig gegii waa debnaman.

Da zhibiigaade go gonda eginoodmaagejig yaabi gegoo zhi kwedweaat maanpii:

<https://www.fnchildclaims.ca> gaami shkwa dibaawkiniding miinwaa go aanii go weweni go kina gegoo engendeg.

**Maanda Dibagewin waa zhi maamiinding miinwaa gonda etkozhwejjig ezghaabwiyaat naabiignigaadenwan jibwaa dibageaat gonda etkwazhwejjig yaabi ooshmi wii naadmoondwaa ooshmi wii debnamwaad dibagewin. Da yaawag go giuwe ge naadmaagejig wii zhibiigeng wenpash.**

#### **Bi Waabmishnaang:**

### **GININDWENDAAN NA OOSHMI GEGOO WII KENDMAN MAANDA NJI MAAMWI TKOZHWEWIN MAAGE MAANDA DEBWETAADWIN?**

Gda naap wiigo maanpii: <https://www.fnchildcompensation.ca>.

**GNINDWENDAAN NA WII AASGAABWITAAGOOYIN MAAGE WII NAADMAAGOOYIN?**

Gdaa aasgaabwitaagoo giishpin zhi giigdayin maanpii: 1-833-852-0755. Giishpin maanda kitchi maanaadendmigyin gdaa zhi giigid: Hope for Welness Hotline: na'ye 1-855-242-3310 maage wii nbochweyin mjimenjganing: <https://www.hopeforwellness.ca> giigido.

**Gdaa zhi giigid gegwa wodi Memaanjishpaak dash Anishinaabe Aachkingan, giishpin yaabi ooshmi gegoo wii kendman miinwaa giishpin zhibiigooyin zhinda gdaa nda kendaan maanpii:** <https://www.fnchildcompensation.ca> maage gdaa zhi giigid 1-833-852-0755.